

Nunatsinni Naalakkersuisut qallunaat nunaanni naalakkersuisunut isumaqatigiinniarnermik aallartitsissasut, nunatsinni ikiaroonartup atugaaneranut tuniniarneqartarneratalu akiorniarneqarneranut, qallunaat nunaanni nunatsinnilu politiit suliniutinut annertusaanissamik suleqatigiinnissaat siunertaralugu aalajangiiffisassatut siunnersuut.

(Inatsisartunut ilaasortaq Olga P. Berthelsen, Inuit Ataqatigiit)

Akissuteqaat

(Naalakkersuisut Siulittaasuata)

Siullermeerneqarnera

Aangajaarniutinik atornerluineq inuiaqatigiinni oqallisigineqakkajuppoq, soorunalimi tamanna aamma Naalakkersuisut annertuumik eqqumaffigaat. Minnerunngitsumik inuusunnerusut akornanni atornerluineq ingerlaavartumik isiginiarnissaa pingaartillugu. Atornerluinerup inuiaqatigiinni ajornartorsiutaanerata isiginngitsuusaaginnarneqarsinnaannginera Naalakkersuisut isumaqatigillunnarpaat. Aangajaarniutinik atornerluineq akiorniarlugu suliniarnermi akisussaaffik Kalaallit Nunaanni Namminersorlutik Oqartussaniippoq Kalaallillu Nunaanni Politiiniilluni. Tamatuma malitsianik ukiut ingerlaneranni naalakkersuinikkut Kalaallit Nunaanni Politiit annertuumik piunaffigineqartarsimapput, oqartussaasutut ikiaroonartunik pinerluttuliortut akiorniarlugit suliniuteqarluaqqullugit. Tassunga atatillugu oqaatigineqassaaq, eqqartuussiveqarneq pillugu iluarsartuusseqqinnerup atortussanngortinneqarnissaanut atasumik suleqatigiissitamik pilersitsisoqarmat Danmarkimi Pinerluuteqarsimasunik Isumaginnittoqarfimmit aqunneqartumik atorfilittanillu Namminersorlutik Oqartussaneersunit peqataaffigineqartumik, isertitsivinni sunniuteqarluartumik katsorsaasarnissamik siunnersuuteqartussamik. Kalaallit Nunaanni politiit ataatsimut isigalugu inatsiseqartitsinermut suliassaqarfinnut akuuvoq ilanngullugulu eqqartuussiveqarneq, suli Kalaallit Nunaanniit tiguneqanngitsut. Nalunarallarporlu qaqugu tiguneqarnissaat pissanersoq.

Ullumikkut PAARISAP pinaveersaartitsinerit suliarivai aammalu ilaatigut meeqqanut inuusuttunullu pimoorussamik peqqissuunissamut iliuutsinik paasititsiniaanikkut siunnersuinikkullu suliaqartuulluni aamma Qaqiffik atornerluinernut katsorsarneqarnissamik neqerooruteqartarpoq kiisalu kommunit ataasiakkaat innuttaminut atornerluinermik ajornartorsiortunut isumaginninnissamik iliuuseqarnissamut akisussaaffilerujussuuvoq.

Kalaallit Nunaanni Politiit Naalakkersuisunut ilisimatitsissutigaat, Kalaallit Nunaannut ikiaroonartunik eqqussiniartarnermut siunertaqarluartumik nakkutilliiniarnermi misiliutitut Kalaallit Nunaanni Akileraartarnermut Aqutsisoqarfimmik, Danmarkimi SKAT-i aamma Københavnip Mittarfeqarfia Kastrupimiittumik suleqateqarneq annertusineqarsimasooq, soorluttaaq Ålborgimi Københavnimilu inunnik nassiussanillu Kalaallit Nunaannukartunik nakkutilliinermi suleqatigiinnissamik isumaqatigiissusiortoqarsimalluni. Kalaallit Nunaanni Politiit 2008-mi Akileraartarnermut Aqutsisoqarfiup ikiaroonartunik naamaniartartunik qimmilisartartui qanimut suleqatigalugit misissuisarnerni ikiaroonartoq katillugit 43 kg missaaniittoq arsaarinnissutigineqarpoq. 2009-mi arsaarinnissutigineqartut suli ilisimaneqanngillat, kisianni takkukkumaarput ilaatigut suliama ataatsimi ikiaroonartoq 118 kg sinnerlugu arsaarinnissutigineqartutigit, tassa ukiuni kingullerni annertuseriangaatsiarput. Ikiaroonartoq arsaarinnissutigineqartoq tupinnanngitsumik Kalaallit Nunaanni tuniniarneqarsinnaanngilaq, soorlu aamma inuit ikiaroonartumik Kalaallit Nunaanni tuniniaanermikkut aningaasarpassuarnik iluanaaruteqarsimasut ilaat paasineqarlutik

eqqartuussivimmi malersorneqaatigigaat. Kalaallit Nunaanni Politiit ilisimatitsissutigaaat ikiaroonartumik eqqussuisarneq akiorniarlugu qimmit ikiaroonartumik naamaniartartut amerlassusii ingerlaavartumik naleqqussarneqartarumaartut kiisalu qimmilisartartut eqqussueriaatsinut, kikkut eqqusseriartartuunersut ilisimasatigut malinnaatinneqartuassasut kiisalu ikiaroonartunik atuinerup nalinginnaasumik ineriartornera eqqoqqissaartumik ilisimasaqarfiginissaa sulissutiguarneqassasoq.

Naalackersuisut politiit sulinerat malinnaavigeqqissaarpaat, pisariaqassappallu suliniarnerup pitsanngortinneqarnissaanut piumasaqarsinnaallutik, soorlu aanngajaarniutunik atonerluineq akiorniarlugu aamma pinaveersaartitsinermi, katsorsaanermi isumaginninnermilu suliniutit eqqarsaatinut ilaasut. Piffissami aggersumi politiinit Naalackersuisuniillu atorfilittat ilisimatitseqatigiilluni ataatsimeeqatigiittarnissat aalajangersimasut Naalackersuisut aallartinnialersarpaat. Tamatumunnga atatillugu Naalackersuisut naalagaaffimmi oqartussaasut attaveqarfiginialersarpaat suliassaqarfimmut annertunerusumik suliniuteqalersinnaaneq siunertaralugu.

Tamakku tunngavigalugit aalajangiiffigisassatut siunnersuut Naalackersuisunit akuersaarparput.